

**PM, TPM hadir rumah terbuka Kementerian Pelajaran
Utusan Online
September 07, 2011**

PUTRAJAYA 7 Sept. - Perdana Menteri, Datuk Seri Najib Tun Razak dan timbalannya, Tan Sri Muhyiddin Yassin menghadiri majlis rumah terbuka Hari Raya Aidilfitri peringkat Kementerian Pelajaran Malaysia di sini, hari ini.

Ketibaan Perdana Menteri disambut Muhyiddin yang juga juga Menteri Pelajaran bersama isterinya, Puan Seri Noorainee Abdul Rahman.

Turut hadir pada majlis tersebut ialah hampir kesemua menteri dan timbalan menteri.

Najib menghabiskan masa lebih satu jam pada majlis yang dihadiri lebih 5,000 tetamu terdiri daripada kakitangan Kementerian Pelajaran, bekas-bekas pegawai kanan kementerian dan tetamu jemputan.

Pada majlis sama, Muhyiddin turut menyampaikan sumbangan duit raya kepada 20 pelajar dari Sekolah Pendidikan Khas Seremban 1 dan 2 serta Sekolah Kebangsaan Sepang dan Sekolah Kebangsaan Kota Warisan, Selangor.

Turut menerima sumbangan ialah 20 pelajar Kumpulan Wang Amanah Pelajar Miskin dari Sekolah Kebangsaan Dewan Beta, Kelantan.

Copyright © UTUSAN MELAYU (M) BERHAD

Source:

http://www.utusan.com.my/utusan/info.asp?y=2011&dt=0908&pub=Utusan_Malaysia&sec=Muka_Hadapan&pg=mh_04.htm